

# Taliina o Fesili e uiga i Faamanuiaga Faapeteriaka

Na faasoa mai e Peresitene Russell M. Nelson:



E taua [se faamanuiaga faapeteriaka]. O se tusitusiga paia patino ia te oe. O loo faailoa mai ai lou gafa faapitoa. E faamanatu atu ai ia te oe lau sootaga i le tuanai. Ma o le a fesoasoani e te iloa ai lou gafatia i le lumanai. O le mea moni, e mafai ona e ole atu i le Alii mo le faataunuaina o na faamanuiaga e ala i lou faamaoni. (Russell M. Nelson, “Thanks for the Covenant” [Brigham Young University devotional, Nov. 22, 1988], 5)

Na molimau mai Elder Kazuhiko Yamashita o le Fitugafulu:



Ou te faitauina soo ma le agaga tatalo lo’u faamanuiaga faapeteriaka; e aumaia ai lava ia te au e lē aunoa se faamalosianga. Ua ou iloa le mea ua faamoemoeina mai e le Alii ia te au, ma ua fesoasoani ia te au e salamo ma lotomauualalo. Pe a ou faitau ma mafaufau loloto i ai, ou te naunau e ola agavaa mo le mauaina o ona faamanuiaga folafolaina.” . . .

. . . Ou te molimau atu o loo soifua le Tama Faalelagi ma Lona Alo Pele e Toatasi, o le Alii o Iesu Keriso. E alolofa i La’ua ia i tatou. O faamanuiaga faapeteriaka o meaalofo paia mai ia i La’ua. A e mauaina lou faamanuiaga, o le a e iloa ai ma lagonaina lo La’ua alolofa ia te oe ma lo La’ua tulaia atu ia te oe lava ia. (Kazuhiko Yamashita, “O Le Taimi e Maua ai Lou Faamanuiaga Faapeteriaka,” *Liahona*, Me 2023, 90)

Na faasoa mai Sister Bonnie H. Cordon, o lē sa avea ma Peresitene Aoao o Tamaitai Talavou:



I se konafesi a le MMA, sa ou feiloai ai i ni tamaitai talavou se toalua o e sa tauivi. Na taufai ta’ua e tamaitai talavou le liliu atu i lona faamanuiaga faapeteriaka e toe maua ai le alofa ma le taitaiga a le Alii mo ia lava. Saili lou faamanuiaga faapeteriaka, tafi ese le pefu pe afai e tatau ai, ae susesue soo i ai. Afai e le’i iai, ia fai—i se taimi vave. Aua nei faatuai ona saili po o a mea o finagalo le Alii e ta’u atu nei ia te oe e uiga po o ai oe. (Bonnie H. Cordon, “Sau ia Keriso ae Aua le Sau Nao Oe,” *Liahona*, Nov. 2021, 10)